

Dr M disambut bukan dengan balingan batu
Harakah Daily
11 Mac 2013



(Adun Meru Dr Rani Osman menyambut ketibaan Tun Dr Mahathir yang datang ke Meru)

KLANG: Walaupun tidak setuju dengan pandangan dan sikapnya, namun kedatangan Tun Dr Mahathir Mohamad ke kawasannya disambut sebagai tetamu oleh Pesuruhjaya PAS Selangor, Dr Rani Osman.

Mahathir yang datang berkunjung ke kawasan DUN beliau iaitu Meru disambut dengan penuh hormat oleh Dr Rani sebagai tetamu yang bertandang.

"Bukan dengan balingan batu atau simbahan cat seperti yang biasa Umno lakukan," kata laman facebook Dewan PAS yang mungkin geram dengan sambutan yang diberikan oleh sesetengah pemimpin Umno ke atas kunjungan pemimpin Pakatan Rakyat ke kawasan mereka.

Selain menunggu kedatangan Mahathir yang sering mencerca PAS itu, sebuah kain rentang

dibuat oleh Dr Rani untuk mengalu-alukan kedatangan Mahathir itu.

"Dr memang terbaik....harap jadi contoh dan teladan pada YB2 yang lain terutama yang sebelah sana tu. Salute sekali lagi YB," tulis Hanif Nep dalam komennya terhadap sikap yang diambil Dr Rani itu.

Syahid Rahim Adib Hamdan pula dalam komennya berkata, "macam ni laa kan sikap orang-orang PR. Bukan macam orang tu, baling batu, dapat RM20."

Mohammad Zulkanain Haron pula menulis, "Di Melaka Ketua Menteri Umno sambut Anwar pakai batu..... jangan ikut cara Umno berpolitik, ini cara zaman kuno, yang tak bertamadun. Syabas Dr Rani kerana menunjukkan keperibadian yang sangat di tuntutan oleh Islam..... Takbirrr."